



يحررها خالد غنام أبو عدنان - استراليا

موائد الرحمن الرمضانية في فلسطين



تكية دير - البلح الخيرية

وقد تأسست عام 2018 بالتنسيق بلدية دير البلح، وهي معروفة باسم تكية غزة الخيرية التابعة للجنة زكاة دير البلح، وتقوم بتوزيع الأطعمة المطبوخة على الأسر المستورة في مدينة دير البلح، بتبرع كريم من فاعلين خير بالمملكة الأردنية الهاشمية ودول الخليج العربي. التكية تعمل وفق الأهداف التي وضعتها من أجل تحقيق التكافل الاجتماعي، والتخفيف من الضائقة المالية التي يمر بها أهالي غزة، في ظل الحصار المطبق على القطاع، وأنها مستمرة في العمل حتى تصل لكل محتاج وتقف بجانبه.

من الكنايات الشعبية

- 1- طق منه: أي اغتاض منه جداً.
- 2- طلباتك أوامر: أي لك الطاعة العمياء.
- 3- طلع دينه: أي كان شديداً فظاً معه فقارب الموت وكاد دينه يخرج قبل روحه.
- 4- طلع عينه: أي صعّب الأمور عليه لكنه تجاوزها بجهد بالغ.
- 5- طلع بالكرشة عضم: أي أن حظه شيء للغاية.



حكاوي الشاطر حسن : تأليف خالد غنام أبوعدنان : الشاطر حسن والطير الأصفر

حكاية إسمعناها وإلکم رح نحكيها، كان بزمانه في زلما فلاح اسمه أبو حسن عنده ولد و بنت، البنت اسمها سعدة وهي بكريه إمها، ولما ولدت إمها البطن الثاني ماتت والولد عاش وأبوه سمّاه حسن، زعل أبو حسن عمّوت مرته فتحية، وحاص ولاص بأولاده وبعد أربعين مرته، إجا حماه أبو قاسم وقاله يملّك على أختها رسمية، ما هي الخالة بتظل أحن من غيرها على أولاد أختها، وافق أبو حسن وتجوّز عالسكت، يعني زي الحردان عن الفرح، لا عمل عرس ولا طعمنا الناس قُرضن، وفانت رسمية إجز لقدام وإجز لورا، وأول أسبوع ما نام أبو حسن على فرشتها، فراحت لأبوها حردانة وقالته الزلما مش طابق ريحتي، فرجّعها أبوها وقالها تصبر عليه، ما هو بعده حزنان على فتحية، رجعت رسمية وما ناطقت لسانه، وتركت البيت إمْبَهْدَلْ لا طبخت ولا طعمت الأولاد، بس قاعدة بغرفتها بترَبَطُ بحالها، دخل أبو حسن على غرفتها غضبان، وصار يحكي شرقي غربي وهي ناصتة ولاهية بمرايتها، قرّب عليها وقالها أنا بحكي معك، فقالتة قبل ما تطلب مني حقوق أعطيني حقي أنت أخذتني عروس من أسبوع وبعدي بنت بنوت، فصار يراضي فيها ويحكيها اللييلة بصير إللي بالك فيه بس روجي إطعمي الأولاد وهندي الدار، فقامت مثل الفرس وصارت الدار بتضوي ضوي وإطعمت الزغار ونيمتهم، ورجعت لأبو حسن وأبسطها لحد ما زَهَرَتْ روجها، وإلا حسن صحى جو عان فقالها قومي شوفي الصبي، وراحت شربته حليب معزة ونام، ورجعت على تختها وبعد شوي رجع الصبي يبكي، فقومها أبو حسن تا طعمي الصبي.

بعد شهر زمان قعدت بالدار ز علانة ودموعها على خدها وأمها قاعدة جنبها وهي تحكي أختي ماتت وتركتني بمكّي، لا بنام لا ليل ولا نهار، وهذا الصبي بشرب جُعْمُ وبعفى وبعد شوي بصحى يصرخ ويبيكي، ما خليت لا عطار ولا حكيم إلا رُحْتَلْه، وما بقولوا إنه مريض، بس الولد بده حليب من بزّ مرا مش حليب معزة، وأبو حسن ما بده ابنه يخاوي حدا بالبلد، طيب إيش إعمل أخنق الولد وإلا أبعثه لوحدة ترضعه من ورا أبو حسن، فردت عليها إمها بدنا نعمل لأبو حسن عمّلين عمل عدواة تا يكره ابنه ويقتله بايده وعمل محبة يصير يعشق فرشتك وما يقومك عنها حتى لو ولّعت حريقة بالدار، وراحت الختيارة على شروق البصارة وعملت لها حجابات تا تحطهن تحت مخدتها ومخدة الولد حسن وعمل ينغلي مع الشاي لأبو حسن، وبعد ثلاثة ليالي ما كان يصير غير إللي كان زمان بيصير، وليلة الرابعة ما سمعت صوت الصبي بالمرة، وأبو حسن صار يعيف فرشتها وبنام عابط بنته سعدة، ما هي سعدة صارت تشرب حسن جُعْمُ حليب كل ما يصحى، انقهرت رسمية وصارت تَطْفُطُ لحد ما طلع الصبح، ولما تيسر أبو حسن على أرضه، أخذت الولد على المطبخ وقطّعتة شُفْقَ وحطّته بطبسيّة نحاس وفوقه جلال خيش وراح على خم الجاج بخشت فيه ودفنته، وراحت عند إمها وقالتها، إللي عملته، قام إمها جابت طير حبش ذبحته ولفته بكوقليّة بيضة وبكاورة الجامع دفنته، وقالت حسن مات وهون دفنته، والناس صدقتها ما هي سيّته لحسن، وصاروا يحكي لأبو حسن بكارا رسمية بتجيب لك عشرة عَوْضُ عنه.

سعدة الصغيرة شافت كل شي، وتركتهم بالعزا وراحت نبشت خم الجاج، وطلّعت الطبسيّة وأخذتها على ظهر الدار، وصارت تحكي يا طيور السما، أنا زغيرة وما بايدي حيلة، خذوا أخوي وداه، وإلا نزل عليها عقاب أطول منها، شكله مثل الصقر بس قد الصقر عشرين مرة، حمل الطبسيّة وطار بعيد. نزلت على الحوش وإلا شافتها رسمية وسألتها وين الطبسيّة فقالتها الصقر الكبير أخذها على بلاد الأولاد اليتامي، فقالتها وليش ما أخذت إنت كمان ما إنت بتيمة، وهلقيت إجا دورك رح قص لسانك حتى ما تحكي إللي شفّتيه، هربت سعدة وطفشت بزّات الدار، وصاروا الناس يدوروا عليها ثلاث أيام بلياليهم وما حدش عرف وبنها، وراحت رسمية على شروق البصارة وشالت وحطت وما عرفت وين سعدة متخبّي. والحق حتى سعدة ما كانت تعرف وين صارت، ما هي لما طفشت من دار أبوها كانت بدها تروح تتخبّي بالبيدر، بس قبل ما توصل إجا العقاب وحملها وطار فيها على جبل عالي، وحطّها على باب مغارة، كان فيها طير أصفر زغير قد كف الأيد، أعطاها فنجان فيه مية وكسرة خبز، وصار يعيب ويجيب إلهما مرة حبة زعرور مرة حبة عنب ومرة خبزة ناشفة، ولما كانت تنام يفوت جوات عنّها وبنام.

ودارت السنين وصارت سعدة بنت صبية بس ظلت عايشة بالمغارة بالجبل العالي وما كانت تشوف إلا العصفور الأصفر الزغير، إللي كان يجيها توكل ويظله قاعد عنها يغرد مواويل ويُنْفِرُ بسقف المغارة، وهي بالها بلعب وبتسلى ما هو طير وبحب النُفُورَة. ومرة وهي نائمة سمعت إمها بتحكي معها قالتها، حسن أخوك بحضنك نايم وبحشبي مطرَحُ ما ينْفِرُ بسقف المغارة بيزجّله الروح، قامت من نومها ومش عارفة إيش تعمل وصارت تبوس بالعصفور الأصفر وتقوله يا أخوي يا حبيبي، وبعد شوي طار العصفور ورجع معه العقاب الكبير، وكان حامل معه إزْمِيلُ ومهّدة حطتهن وطار بعيد، وصار العصفور الأصفر يُنْفِرُ بالسقف، طلعت سعدة وصارت تحوش حجار فوق بعض حتى صارت إيدها بتصل سقف المغارة، ومسكت الإزْمِيلُ بإيدها الشمال وصارت تضرب عليه بالمهّدة بإيدها اليمين على مطرح نفّورت العصفور الأصفر، وشوي شوي صارت تشوف الطبسيّة، وظلت تحفر حولينها أسبوع زمن لحد ما طلعتها وصارت تنظف فيها، وطلعتها على الشمس وصار العصفور يرقص ويغرد أغاني فرح.

ثاني نهار ظله العصفور الأصفر يعاقب فيها لحد ما فهمت عليه، ما هو كان يقعد بالطبسيّة ويصير يزْعَقُ عليها، وهي مش فاهمة عليها لحد ما حملت الطبسيّة وجواتها العصفور الأصفر وحطتها بعنّها، وإلا حسّت حالها ثقلانة فمدّت حاليها وغفت وما صحت إلا على إيد حسن وهو يقوم فيها، ولما صحت صار تبكي ودموعها ما وقفت وحسن يقولها لولاكي ما اكتبلي عمر جديد، وإحنا هلقيت صرنا كبار ورسمية ما رح تقدر تنبنا، وأنا كنت أطيح كل يوم على دارنا وأشوف أبونا قاعد مهموم وعاف الدينا ودموعه علينا ما بتفارق خدوده، ويا قهر الرجال لما كيد النسوان يكسر ظهرهم ويهد حيلهم. وإجا لعندهم العقاب وقعدوا فوق ظهره وحسن كان حامل الطبسيّة وظله طاير فيهم لحد ما وصلهم على ظهر دارهم نزلهم وسلم عليهم وطار على بلاده، ونزلت سعدة وصارت تبوس بأبوها وهو يعبط فيها فرحان، ونزل حسن وبأيد الطبسيّة أعطاها لخالته رسمية إللي صارت تبكي وتقوله الله عاقبني وحرمني من الخلفة سامحني يا حسن، وأخذ حسن خالته وراح لعند أبوه وقاله حكايته وإنه مسامح خالته وبعديها عاشوا عليه بتشرب من نفس الكيلة.

أكلات كديمة: خبز الحليب أو مخمر حلو



مقادير: خمس أكواب طحين، كوب سكر، حليب للعجن كوبين، معلقتين كبار محلب، يانسون و حبة البركة و سمسسم معلقه كبيره و خميره و معلقه صغيره ملح. وطريقة تكون بعجنتهم تركتهم شوي رجعت عجنتهم حطيت ربع كوب زيت و عجنت كمان مره خلّيت بعض من الزيت بالوعاء الي فيه العجينه و لفيتهم تما خمر و ..قطعتهم ورقيتهم على زيت و عشان يلزق اليانسون و حبة البركة كنت ارش قبل ما ارق على الطاولة و عطول رتبتهم بالصنية الخبز و تركتهم نص ساعه و لازم قبل الخبز اعمل فيهم عدة نخزات بالشوكه او اي شي ما باخد وقت بالخبز المحلب تناغم مع الحليب و اليانسون. و يمكن استخدام الزعفران أو العصفور من أجل التلوين.

صور التراثية



الألغاز شعرية



- 1- وباسطة بلا عصب جناحا * وتسبق ما يطير ولا تطير * إذا ألقمتها الحجر اطمأنت * وتجزع أن يباشرها الحرير.
(العين)
- 2- ومولود بدون أب وأم * بلا قوت يعيش ولا يموت * له وجه وليس له لسان * فيخبرنا ويلزمه السكوت.
(القمر)
- 3- وأسود عار أنحل البرد جسمه * وما زال في أوصافه الحرف والمنع * وأعجب شيء كونه الدهر حارساً * وليس له عين وليس له سمع.
(القفل)
- 4- وصاحب لا أمل الدهر صحبته * يشقى لنفعي ويسعى سعي مجتهد * ما أن رأيت له شخصاً مذ وقعت * عيني عليه افترقنا فرقة الأبد.
(الضرس)
- 5- وذو أذن بلا سمع * له قلب بلا قلب * إذا استولى على حب * فقل ما شئت في الصب.
(الإبريق)



مجموعة نمل شافوا كيس سكر
هجموا عليه كلهم
الا نملة وحدة
ليش؟؟



قالت : يع عليه نمل !!!
ايه حقها 🐜





الريادة في فلسطين... قضايا وتحديات
صدر عن تجمع "باحثون بلا حدود، راجعه وأشرف عليه أستاذ الإعلام والسياسة د. محمود الفطافط، وجاء في مقدمة الكتاب أن الاهتمام بالعمل الريادي يُشكل أحد الحلول الناجحة لتجاوز الكثير من التحديات التي تواجه اقتصادات الدول، لا سيما المتعلقة بالفقر، والبطالة، والتضخم، وسواها، وأن مفهوم الريادة يكتسب أهمية بارزة؛ نظراً للدور الحيوي لريادة الأعمال في التنمية المستدامة، وإشراك مختلف الفئات في الحراك الاقتصادي.

